

義縣誌
(民國)
八

義縣志中卷

題武備志第十六

我武惟揚詳於泰誓之冊有備無患紀於說命之篇伊古以來武固不可不備也吾邑至遼金而武始備元明清三朝亦思患而預爲備焉迨及民國則備之又備遼分十部兵多者三千少者千餘凡年十五以上五十以下皆隸兵籍遼史金之民無他徭役壯者皆兵部長曰孛董行兵則稱猛安謀克從其多寡以爲號金史置兵之州三十八置於要州者十一黑龍江通志吾邑置軍曰崇義則其一州也元初因之明改衛清設旗兵駐防民國警甲改組以一人長之招募又皆優良分子設備嚴則調遣易籌備善則訓練精況復濟以清鄉則社會秩序賴以維持地方治安藉茲保衛固當實力進行長此督飭長此整頓成績之良好可立足而待所望職是責者前則揚休後則著美而相預防於不備之攻則庶幾吾邑之福也志武備

十七年一月七日鶴識

義縣志中卷

武備志

目次

軍制

曆代軍制

遼

宜州崇義軍

遼軍制考

遼史兵衛志中宮衛騎軍

附積慶宮提轄司

前宜營後宜營

金

義州下崇義軍

附兵制案

附金用兵

元

義錦川等州總管

中衛親軍駐義州

附元兵制站赤制

義縣志

附元兵制弓手制

附元急遞舖兵制

附元軍律

明

錦義右參將

義州衛廣寧後屯衛兩指揮使司

遼東都司義後二衛隸左軍都督府

附明參游把月支米糧

附衛所月支米數陣亡在營各病故喪費

清

義州汛兵

義州駐防兵官額數

附清恩賞官兵銀兩

附八旗漢字官名考

附義州及三邊門兵領接擠牛具銀數目

義州駐防職官兵額

義州邊防

義州三邊門職官兵額

附賞銀

附八旗養育兵考

附清義州旗駐防及三邊軍器

附點驗軍器及造報鳥槍數目考

義州鋪兵

義州捕盜營

義州捷勝營練軍馬隊

義州盛字外軍馬隊

義州巡警局

民國軍制

義縣警察所

義縣保甲事務所

兵事

歷代兵事

晉

宇文莫圭圍棘城

高句麗段氏宇文氏三國進攻棘城

趙王石虎進逼棘城

遼

附沿革

附沿革

前宜後宜營屯衛州

杈杆山韓慶民死

陷海北州

金

閣母討宜州

閣母兵下宜州

陷同昌縣

元

張致略義州

楊伯傑掠義州

張致襲開義

彭致孫據義州

明

常遇春師次柳河川

朶羅干出沒義州

義州軍亂

把當亥寇大清堡

俺答寇義州

土營犯義州

速把亥犯義州

敵入太平堡

插部陷大安堡

侯中安駐義州

滿州代善斬義州駐守兵三千

勞翰圍義州

錫爾度征義州

楊古利掠義州

清

察哈爾王叛

匪首王達劉珠率賊入城

卷二

系

二

中卷(十六)武備志目次

1

二

義縣

流賊柴寶善擾亂地方

匪首馬傻子叛

教匪郭百齡叛亂

潰兵入境

拳匪起白恩戰歿逃兵擄清河門

票匪擾亂

民國兵事

先鋒馬隊駐防義州

第 師 連駐防義縣

第 師 營駐防義縣

第一師騎兵第一團駐防義縣

二十七師騎兵團駐防義縣

第一師騎兵第九團駐防義縣

第 師騎兵第 團駐防義縣

官軍與變兵往來義縣

二十四旅駐防義縣

第三旅駐防義縣

二十七團駐防義縣

砲兵第 營駐防義縣

于叛營長率兵攻入義縣城搶掠民商

卷

系

五

中卷(十六) 武備志 目次

目錄終

義縣志中卷

武備志 軍制 兵事

軍制

歷代軍制

遼

宜州崇義軍

世宗置積慶宮分州縣備兵馬有調發則丁壯從戎事老弱居守設節度使曰崇義

軍初置弘政縣自興宗 聖宗子景宗孫世宗曾孫 建宜州治弘政曰上節度 遼制分上中下此為上節度 隸積慶宮 遼國之法

天子踐位置宮衛分州縣析部族設官府籍戶口備兵馬崩則扈從后妃宮帳以奉陵寢有調發則丁壯從戎事老弱居守世宗曰積慶宮詳遼史營衛上 統縣二 一弘政（世宗置）開義（世宗置）後來屬（詳遼史地理志三）

遼軍制考

考營衛志上宮衛遼史耶魯盃 興旺也幹魯朵名始置之義見國語解 幹魯朵 宮也見國語解又遼設制居有宮衛謂之

之部族有事則以攻戰為務閑暇則以畋漁為生詳遼史營衛上 世宗置興盛曰耶魯盃是為積慶宮以文獻皇帝衛從及

太祖俘戶 平渤海俘戶 又雲州 興宗升雲州為西京 提轄司並高宜等州戶置其幹魯朵在土河東陵

寢在長寧宮 在高州 北正戶五千蕃漢轉戶八千出騎軍八千州三康顯宜縣一 山東提

轄司 諸宮典兵官 四 南京西京奉州平州 石烈 官之長詳國語解 一兮臘 金也詳國語解 瓦里 官府名宮帳部皆設之凡宮室外戚大臣犯罪者家屬沒入於此詳見國語解 八

義

縣

志

卷

一

二

曰達撒曰合不曰吸烈曰通里曰亦抹里官府名開撒俄亦抹里官之一
十曰紇彬直曰蠻葛曰厥里曰譚馬忒曰出懶曰
澤馬曰朔不曰耶里直曰耶普兀
速忽魯梅曰牒里得曰閭馬曰牒里特曰女古

遼史兵衛志中宮衛騎軍

太祖立幹魯朶法裂州縣割戶丁以彊幹弱支詒謀嗣續世建宮衛入則居守出則扈從葬則因以守陵有兵事則各提轄傳檄而集此軍制之良者也

積慶宮正丁一萬藩漢轉丁一萬六千騎兵八千

附積慶宮提轄司

十二宮一府總要之地皆置提轄司南京一西京一奉聖州一平州一

前宜營後宜營

天祚天慶六年募謂之怨軍後改常勝軍

遼國兵制凡民十五以上五十以下隸兵籍每正軍一名馬三匹打草穀守營舖

家丁各一人鐵甲九事馬韉轡馬田皮鐵視其力弓四箭四弓長短鎗鎗錄斧鉞

小旗鎚錐火刀石馬孟糲一斗糲搭鈇傘各一

廠馬繩二百尺皆自備人馬不給糧草日遣打草穀騎四出抄掠以供之遼史兵衛志上兵制

金

義州下崇義軍

節度使

從三品印方一寸五分半銅重二十四兩

掌鎮撫諸軍防刺總判本鎮兵馬之事兼本州管內觀察使

事其觀察使所掌並同府尹兼軍州事管內觀察使同知節度使一員

正五品印方一寸四分銅重二十兩

通判節度使事兼州事者仍帶同知管内觀察使副使一員從五品節度判官一員正七品

方一寸二分 銅重十六兩掌紀綱觀察衆務僉判兵馬之事兼制兵刑工案事觀察判官一員正七品掌

紀綱觀察衆務僉判吏戶禮案事通檢推排簿籍知法一員州教授一員司獄一員

正八品印一寸一分半 銅重十四兩公使人上七中六十五下六十百官三

天會六年州鎮置節度使沿邊州置防鎮使凡所募射糧軍五年一籍三十以下十七以上強壯者兼充雜役詳金史兵制牢城軍晉爲盜防者充

防禦之役詳金史兵制每五百人爲一指揮使司設使分爲四都都設左右什將及承局押官其

軍數若有餘或不足則與近者合置不可合者以三百人或二百人亦設指揮使若

百人則祇設軍使百人以上立爲都都及百人止設什將及承局管押官各一員金史

禁軍之制章宗置効節軍節鎮設二十人詳金史兵制掌同弓手金史兵制

附兵制案

按金初諸部之民無他徭役壯者皆兵平居則聽以佃漁射獵習爲勞事有警則

下令部內及遣使詣諸部革徵兵凡步騎仗糗皆取備焉其部長曰孛堇行兵則

稱曰猛安從四品掌修陣軍務訓練武勦勦農桑防捍不虞禦制盜賊詳金史百官志三謀克從五品掌撫輯軍戶訓練武藝養百姓按察所部官導風俗勸課農桑平理訟獄捕除盜賊禁止怠惰從

其多寡以爲長猛安者千夫長也謀克者百夫長也謀克之副曰蒲里衍士卒之

副曰阿里喜部卒之副初無定制太祖二年以二千人破耶律謝十始以三百戶

爲謀克謀克十爲猛安嗣遂以猛安謀克授來降諸部首領天會二年罷是制

諸部

降人但置長史從漢官號

熙宗皇統五年又罷遼東漢人承襲猛安謀克移於宗室分上中下海

陵天德二年省併中京等路節鎮及猛安謀克貞元二年又命兵部尙書蕭仲恭與舊軍皆分隸諸總管府節度使授田牛使耕食後廢或置總管府或置節度使

故混源劉祁謂金之兵制最弊

金史兵制

附金用兵

女貞用兵以戈爲前行號曰硬軍人馬皆全甲刀楮自副弓矢在後設而不發非五十步不射弓力七斗箭鏃至六七寸形如鑿入輒不可出隊伍之法伍長擊柝十長執旗百長挾鼓千人長則旗幟金鼓悉備將軍執旗人視所向而趨自主帥至步卒皆自控馬刻小木牌繫人馬爲號每五十人爲一隊前二十人全裝重甲持棍槍後三十人輕甲操弓矢遇敵必有一二人躍馬而出先觀敵陣之虛實或向其左右前後結隊而馳擊之百步之內弓矢齊發中者常多勝則整陣緩追敗則復聚而不散其分合出入應變若神

盛京通志卷一百八雜志

金國凡用師征伐上自大元帥中至萬戶下至百戶飲酒會食略不間別與父子兄弟等所以上下情通無閉塞之患國有大事適野環坐畫灰而議自卑者始議

畢即漫滅之不聞人聲軍將行大會而飲使人獻策主帥聽而擇焉其合者即爲特將任其事暨師還戰勝又大會問有功者隨功高下支賞舉以示衆衆以爲薄則增之

盛京通志卷一百八雜志

元

義錦川等州總管

世祖修官制內立五衛

左右中前後

以總宿衛諸軍衛設親軍都指揮使外則萬戶之下置

總管千戶之下置總把百戶之下置彈壓立樞密院

掌天下兵甲機密之事

以總之遇方面有警

則置行樞密院事已則廢而移都鎮屬行省萬戶千戶百戶分上中下萬戶佩金虎

符符跌爲伏虎形首爲明珠而有三珠二珠一珠之別千戶金符百戶銀符萬千戶

死陣者子孫襲爵死病則降一等總把百戶老死萬戶遷他官皆不得襲是法尋廢

後無大小皆世官獨以罪去則否軍士則初蒙古軍探馬赤軍蒙古軍皆國人探馬

赤軍則諸部族也其法家有男子十五以上七十以下無衆寡盡練爲兵十八爲一

牌設牌頭上馬則備戰鬪下馬則屯聚牧養孩提稍長又籍之曰漸丁軍既平中原

發民爲卒是爲漢軍或以貧富爲甲乙戶出一人爲獨戶軍合二三而出一人則正

軍戶餘爲貼軍戶或以男丁論以二十丁出一卒至元七年十丁出一卒或以戶論